



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**  
**Munisípiu Aileu**  
**21 Marsu 2017**

## **Autóridade suku sira iha Postu Administrativu Remexio kontinua preokupa no la-iha konsesmentu adekuada kona-ba lei aplikável sira**

Iha 15 Marsu 2017, JSMP realiza treinamentu suku iha Postu Administrativu Remexio, Munisípiu Aileu kona-ba Demokrasia no Kna'ar Órgaun Soberanu sira-nian, partisipasaun públiku iha prosesu halo lei no sistema justisa formál iha Timor-Leste.

Partisipante sira mai hosi representante sira hosi suku ualu (8) ne'ebé kompostu hosi xéfe aldeia sira, delegada fetu no konsellu lia-na'in sira. Suku hirak ne'e mak hanesan Suku Acumau, Tulataqueo, Suco □ Liurai, Faturasa, Fadabloco, Maumeta, Hautoho no Suku Fahisoi. Totál partisipante hamutuk ema na'in rua-nulu (20) ne'ebé kompostu hosi fetu na'in hitu (7) no mane na'in 13.

Durante treinamentu ne'e lia na'in hosi Suku Acumau, Pinto Alves preokupa ho lei sira ne'ebé agora aplika no husu ba Parlamentu Nasionál ho Governu atu halo sosializasaun ba lei aplikável sira no halo mós konsultasaun públiku ba esbosu lei sira ne'ebé Governu no Parlamentu Nasionál esbosu hela molok aprova.

“Direitu atu hetan informasaun nu'udar direitu fundamentál ida ne'ebé preve ona iha Konstituisaun, ne'e duni instituisaun relevante sira hanesan Governu no Parlamentu iha obrigasaun atu disemina informasaun importante sira ba públiku tomak, liu-liu lei relevante sira ne'ebé tama ona iha vigor”, dehan Diretór Ezekutivu JSMP, Luis de Oliveira Sampaio.

Durante diskusuan hutudu klaru katak comunidade no autoridade suku sira iha konfuzaun sériu kona-ba lei aplikável sira. Purzemplu autóridade suku sira apresenta ba JSMP katak sira infrenta difikuldade hodi hato'o prosesu kazu violénsia domèstika ne'ebé akontese iha sira nia suku bainhira tanba vítima rasik la konkorda ho razaun bele implika ba divórsiu entre parte rua. Preokupasaun ne'e hatudu katak iha nesiedade atu sosializa no halo divulgasaun regulár ba iha comunidade atu evita persesaun la loos kona-ba lei aplikável sira.

Relasiona ho preokupasaun hirak ne'e, JSMP husu ba autoridade suku sira atu buka hatene loloos kona-ba objetivu hosi lei ne'e. JSMP enkoraja vítima no autóridade lokál

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77295795

[www.jsmp.tl](http://www.jsmp.tl)

[info@jsmp.tl](mailto:info@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

atu kumpriende katak lei ne'e nia objeitivu prinsipál atu asegura protesaun no asisténsia ba vítima violénsia doméstika sira hanesan defini iha Artigu 1 Lei Kontra Violénsia Doméstika nian.

Aleinde ne'e JSMP esklareso liutan katak violénsia doméstika nia natuteza nu'udar krime públiku, nune'e ema hotu iha obrigasaun atu halo denunsia ba autoridade kompetente wainhira sira haree no hatene kona-ba violénsia doméstika ruma akontese iha sira-nia sociedade.

Iha inseramentu ba treinamentu ne'e administradór Postu Administrativu Remexio, Jacinto Mendonca, agradese tebes ho prezensa JSMP atu fó treinamentu ba autóridade suku sira no husu ba JSMP atu kontinua kolabora ho postu administrativu Remexio hodi kontinua fasilita treinamentu hanesan ba iha nível suku.

Programa treinamentu ne'e nia kontinuasaun tuir mai sei realiza iha semana oin iha postu administrativu Ermera, munisípiu Ermera.

Programa ne'e hetan apoiu finanseiru hosi Governu Austrália:

Atu hetan informasaun liutan favor kontaktu direktamente:

Luis de Oliveira Sampaio  
Diretór Ezekutivu JSMP  
E-mail: [luis@jsmp.tl](mailto:luis@jsmp.tl)